

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

ՈՐՈՇՈՒՄ

29 հունիսի 2018 թվականի

«Միջազգային գործունեության վիճակը և խնդիրները» հարցի մասին

Լսելով և քննարկելով «Միջազգային գործունեության վիճակը և խնդիրները» հարցը (զեկուցող՝ արտաքին կապերի բաժնի պետ Վ.Ա.Ղուկասյան)՝ գիտական խորհուրդն արձանագրում է. բուհերի միջազգայնացումը բարձրագույն ուսումնական հաստատությունների զարգացման ռազմավարությունների կարևոր բաղադրիչներից մեկն է: Հայաստանի պետական տնտեսագիտական համալսարանի միջազգային գործունեությունն իրականացվում է բուհի 2016-2020 զարգացման ռազմավարական ծրագրի համաձայն: Համալսարանի միջազգային գործունեության հիմնական ուղղություններն ու ցուցանիշներն են՝

- 1) ուսանողների փոխանակում,
- 2) դասախոսների փոխանակում,
- 3) օտար լեզվով դասավանդվող մասնագիտությունների թիվ,
- 4) օտարերկրյա ուսանողների թիվ,
- 5) դրամաշնորհային ծրագրերի մասնակցություն:

Համալսարանում իրականացվող ուսանողների, դասախոսների և վարչական աշխատակիցների փոխանակումը հիմնականում կատարվում է Եվրոպական միության «Էրազմուս+» ծրագրի հիմնական գործողություն 1-ի շրջանակներում:

Ուսանողների փոխանակում

2017-2018 ուսումնական տարվա ընթացքում ՀՊՏՀ-ից գործընկեր բուհեր է գործուղվել 31 ուսանող (24 բակալավր, 7 մագիստրանտ): Ըստ ֆակուլտետների ուսանողների բաշխվածությունն է. կառավարման ֆակուլտետ՝ 8 ուսանող, տնտեսության կարգավորման և միջազգային տնտեսական հարաբերությունների ֆակուլտետ՝ 5 ուսանող, ֆինանսական ֆակուլտետ՝ 9 ուսանող, մարքեթինգի և բիզնեսի կազմակերպման ֆակուլտետ՝ 1 ուսանող, հաշվապահական հաշվառման և աուդիտի ֆակուլտետ՝ 6 ուսանող, ինֆորմատիկայի և վիճակագրության ֆակուլտետ՝ 3 ուսանող, Գյումրու մասնաճյուղ՝ 1 ուսանող:

Համալսարանում մեկ կիսամյակ ժամանակահատվածով միջբուհական համագործակցության շրջանակներում հյուրընկալվել է 2 ուսանող՝ կառավարման ու հաշվապահական հաշվառման և աուդիտի ֆակուլտետներում:

Դասախոսների փոխանակում

2017-2018 ուսումնական տարվա ընթացքում ՀՊՏՀ-ից գործընկեր բուհեր է գործուղվել 18 դասախոս: Բուհի թողարկող ամբիոններից ծրագրին մասնակցել է 10 ամբիոն, որից առավել ակտիվ են եղել միջազգային տնտեսական հարաբերությունների և տնտեսամաթեմատիկական մեթոդների ամբիոնները: 7 թողարկող ամբիոնների դասախոսներից որևէ մեկը ծրագրի չի մասնակցել:

Մինչև 2018-2019 ուսումնական տարվա առաջին կիսամյակի ավարտը պլանավորված է իրականացնել 4 դասախոսի փոխանակում:

Համալսարանում 2017-2018 ուսումնական տարվա ընթացքում ծրագրի շրջանակներում մեկշաբաթյա դասախոսություններով հանդես է եկել 16 դասախոս:

Վարչական աշխատակիցների փոխանակում

2017-2018 ուսումնական տարվա ընթացքում ՀՊՏՀ-ից գործընկեր բուհեր է գործուղվել 13 վարչական աշխատակից:

Մինչև 2018-2019 ուսումնական տարվա առաջին կիսամյակի ավարտը պլանավորված է իրականացնել 10 վարչական աշխատակցի փոխանակում:

Համալսարանում 2018-2019 ուսումնական տարվա ընթացքում ծրագրի շրջանակներում մեկշաբաթյա վերապատրաստման է մասնակցել 5 վարչական աշխատակից: Հայաստանում «Էրազմուս+» ծրագրի ազգային գրասենյակի կողմից տրամադրած տեղեկատվության համաձայն՝ ՀՊՏՀ-ն առաջին բուհն է Հայաստանում, որը կազմակերպում է միջազգային վերապատրաստման շաբաթ գործընկեր բուհերի դասախոսների և վարչական աշխատակիցների համար:

Օտար լեզվով դասավանդվող մասնագիտություններ

Համալսարանը 2012 թվականից ի վեր իրականացնում է օտարերկրյա քաղաքացիների կրթություն: 2017 թվականի ապրիլին կնքվել է միջհամալսարանական համագործակցության եռակողմ համաձայնագիր Եվրոպական միության «Էրազմուս+» (HERITAG) ծրագրի գործընկերներ Ճարտարապետության և շինարարության Հայաստանի ազգային համալսարանի (ՃՇՀԱՀ) և Վալենսիայի պոլիտեխնիկական համալսարանի (ՎՊՀ) հետ: Այնուհետև՝ հունիսին մեր բուհը և ՃՇՀԱՀ-ը ստորագրել են համագործակցության երկկողմ պայմանագիր, իսկ սեպտեմբերին կնքել են «Նախագծերի կառավարում» մագիստրոսական համատեղ կրթական ծրագրի իրականացման համաձայնագիր: 2017 թ. մայիսի 25-ին ՀՊՏՀ-ի և Շվեյցարիայի ՈՒՄԵՖ համալսարանի միջև կնքվել է կրկնակի աստիճանաշնորհման կրթական ծրագրի իրականացման համաձայնագիր, ըստ որի ձևավորվել են գործարար

կառավարման (MBA) և գործադիր կառավարման (EMBA) մագիստրոսական խմբեր: Բոլոր դասընթացներն անցկացվում են անգլերենով՝ եվրոպական երկրներից, ԱՄՆ-ից, Կանադայից և այլ երկրներից ժամանած պրոֆեսորադասախոսական կազմի կողմից:

Այս պահին համալսարանը օտարերկրյա ուսանողների համար անգլերենով առաջարկում է «Գործարար կառավարում» մասնագիտությունը:

Օտարերկրյա ուսանողներ

2017-2018 ուսումնական տարվա ընթացքում նոր ուսանողների ընդունելություն չի իրականացվել: Համալսարանի ակտիվ մասնակցությամբ նախորդ տարի Հայաստանի պետական բուհերի ռեկտորների խորհուրդը հայաստանյան 8 բուհերի, այդ թվում՝ ՀՊՏՀ-ի անունից, համագործակցության հուշագիր է ստորագրել Հնդկաստանի Հանրապետությունում գործող «Սանտա Մոնիկա. կրթություն արտերկրում» կազմակերպության հետ: Համաձայն պայմանավորվածության՝ այս պահին նշված կազմակերպությունը Հնդկաստանում իրականացնում է գովազդ և ուսանողների հավաքագրում:

Դրամաշնորհային ծրագրերի մասնակցություն

Համալսարանն ընդգրկված է մի շարք դրամաշնորհային ծրագրերում, որոնցից 3-ը համակարգում է արտաքին կապերի բաժինը.

Ֆինանսների մագիստրոսական ծրագրերի բարեփոխում Հայաստանում և Մոլդովայում (ԲԻՖԱՅՆ) REFINE

Ծրագրի ընդհանուր բյուջեն կազմում է € 615'507.00,

ՀՊՏՀ-ի բյուջեն՝ € 65'743.00:

eDrone

Ծրագրի ընդհանուր բյուջեն կազմում է € 995'412.00,

ՀՊՏՀ-ի բյուջեն՝ € 37'391.00:

Բարձրագույն ուսումնական հաստատությունները՝ երիտասարդների ձեռներեցության համար

Ծրագրի ընդհանուր բյուջեն կազմում է € 49'188.00,

ՀՊՏՀ-ի բյուջեն՝ € 7'995.00:

Արձանագրված խնդիրներ

1. Ամբիոնների կողմից դրամաշնորհային ծրագրերին դիմելու ընթացքում ցուցաբերած պասիվություն:
2. Դասախոսների շրջանում օտար լեզվի մակարդակի ոչ բավարար իմացություն:
3. Փոխանակման ծրագրերին մասնակցող դասախոսների և վարչական աշխատակիցների նախաձեռնողականության բացակայություն:
4. ՀՊՏՀ ժամանող օտարերկրյա դասախոսների դասապրոցեսի կազմակերպում:

5. Օտարերկրյա ուսանողների ներգրավման դժվարություններ՝ հիմանականում պայմանավորված դիպլոմի փոխճանաչման խնդիրներով:
6. Վարկանշավորման աղյուսակներում ՀՊՏՀ-ի ոչ բարենպաստ դիրք՝ պայմանավորված միջազգային ամսագրերում հոդվածների ոչ բավարար մակարդակով:

Ելնելով վերոնշյալից՝ գիտական խորհուրդը

ՈՐՈՇՈՒՄ Է

1. Հայաստանի պետական տնտեսագիտական համալսարանի միջազգային գործունեության վերաբերյալ հաշվետվությունն ընդունել ի գիտություն և կատարվածը գնահատել բավարար:

2. Հանձնարարել արտաքին կապերի բաժնին՝

- 1) ընդլայնել ուսանողների, դասախոսների և վարչական աշխատակիցների փոխանակման ծրագրերի աշխարհագրությունն ու գործընկեր բուհերի քանակը,
- 2) օտարերկրյա ուսանողների ներգրավման ուղղությամբ խորացնել համագործակցությունը արտերկրի ուսանողների ներգրավման գործակալությունների հետ,
- 3) աշխատանքներ իրականացնել և ՀՀ ԿԳՆ-ից ստանալ թույլտվություն ռուսերենով ևս ուսուցում կազմակերպելու նպատակով,
- 4) շարունակել ընդլայնել միջբուհական համագործակցությունը,
- 5) նախադրյալներ ստեղծել համատեղ կրթական ծրագրերի իրականացման ուղղությամբ,
- 6) ապահովել համալսարանի անունից դրամաշնորհային նոր ծրագրերին դիմելու գործընթացում համապատասխան ամբիոնների և ստորաբաժանումների ներգրավվածությունը:

3. Հանձնարարել թողարկող ամբիոններին՝

- 1) արտաքին կապերի բաժնի հետ համատեղ օտարերկրյա ուսանողների համար մշակել մագիստրոսական նոր ծրագրեր,
- 2) ակտիվորեն մասնակցել դրամաշնորհային ծրագրերի հայտերի ներկայացման գործընթացին՝ տարեկան ներկայացնելով առնվազն մեկ դիմում-հայտ:

4. Հանձնարարել կարիերայի և մարքեթինգի կենտրոնին, լրատվության և հասարակայնության հետ կապերի բաժնին՝

- 1) նկարահանել բուհի մասին պատմող եռալեզու (հայերեն, անգլերեն, ռուսերեն) տեսահոլովակ՝ օտարալեզու հոլովակները օտարերկրյա դիմորդների շրջանում տարածելու նպատակով,
- 2) ապահովել համալսարանի մասին պատմող եռալեզու բուկլետի մշտական թարմացումը:

5. Սույն որոշման կատարման նկատմամբ հսկողությունը վերապահել ռեկտոր Կ.Լ.Աթոյանին:

Գիտական խորհրդի նախագահ՝

2018 թ. Հունիսի 29
Երևան



Կ. Լ. Աթոյան